

Kuovâmáánu 11. peivi: 112-peivi

Ohtâ-ohtâ-kyehti-peivi lii torvolâsvuotâpargei ohtsâš kampanja, mon tárkuttâs lii muštottiđ torvolâsvuodâst já ton pyreedmist. Peeivi nommâ puátá tast, ete ohtâ-ohtâ-kyehti lii ubâ Evroop union etinummeer.

Koččâmâšah:

1. Ko jodáh sevnâdâsâst maadij roobdâst, te maht oinuuččih pyerebeht autovyeijeid?
2. Ko vuájáh tuolmâmpyeráin, te maht puávtáččih pyeredid vyeijimtorvolâsvuodâ?
3. Ko čokkááh autost, te maht puávtáččih pyeredid jieijâd torvolâšvuodâ?
4. Nabâi käärbis, maht pyerediččih jieijâd torvolâšvuodâ?
5. Maht pyerediččih pääihi puálutorvolâsvuodâ?
 - Lii-uv päihistâd puáluváruttejee? Nabâi pulverčaskâdejee teikkâ časkâdemloovdá?
6. Puálusajattâh
 - Lah-uv kuássin iállám puálusajattuvvâst?
 - Mon ivnâsâš puáluauto lii?
 - Magareh piergâseh puáluautost láá?
 - Maggaar jienâ puáluautost lii?
 - Magareh pihtseh puálualmain láá?
7. Poolis
 - Mon ivnâsâš lii poolisauto? Magareh pihtseh poliisijn láá?
 - Maggaar jienâ lii poolisautost? Nabai mon ivnâsiih čuovah poolisautost láá?
 - Maid poolis parga? Mondietsun poolis motomin orostit autovyeijeid?
8. Pyecceiauto
 - Mon uáinusâš lii pyecceiauto?
 - Mast tiätä, ete pyecceiautost lii huáppu já pyeccee sáátust?
 - Magareh pihtseh láá pyecceiauto vuosâtipšoin?
9. Jis pääihist cökkâničij pyellim, mon ij puávtáččij jieš časkâdid te maid kolgáččij vuosmužžân toohâd já kuus kolgáččij suáittid?
10. Talle jis lii etitile, te virgeomâhááh várutteh ulmuid almolâš vaarâmerháin já vaarâtiédâttâsáin. Virgeomâhááh testajeh váruttem jyehi mánuppaje. Lah-uv kuássin kuullâm teikkâ uáinám tággáár vaarâmeerhâ?